

POR RACIO ...
PER ESPERANTO ...

LA LIBERPENSULO

LUMIGAS NIAN VOJON ...

BILANCO

Post la dissenda-
do de niaj kvar unuaj
numeroj, ni faru sinceran
bilancon de nia agado.

Nia propagando ko-
mencis per eldono de presita propagandilo, dum la jaro 1954. Ni ha-
vis tiutempe multajn iluziojn. La rezultato estis eldono de nia
propagandilo 1.000 ekzemplere, kies nur proksimume 400 estis disven-
ditaj, aŭ disdonitaj. Tio tamen montris al ni, ke ne eblis aperigi pre-
sitan bultenon nune. Do, ni kontaktis multajn kamaradojn, kaj aperis
je la fino de 1955a jaro multobligita bulteno kvarpaĝa, kies n°1-a ni
eldonis 300 ekzempleroj. La n°2-a estis ses paĝa, ankaŭ la 3-a, tiu las-
ta sur pli bela papero kaj kun presita titolo. La 4-a ne aperis siatempe
pro malfacilaĵoj travivitaj de nia kunlaboranto G. FALGIER. Tiu n°4-a aperis
dum majo 1957.

Jen la rezultato de nia aktiveco ĝis nun: ABONANTOJ: a) en Francio:.....22
b) alilande:.....12

al kiuj aldoniĝas grupaj sendoj al : WEICHMANN (Germanio)....40
BLOMBERG (Svedio).....10
GIBAUZ (Francio).....10
MARTIN (Francio).....10
BURGER (Sarlando).....10
KEISER (Svisio).....6

Ni reduktis al tiu kvanto
nia eldonkvanto tuj de la n°4a. Malgraŭ
tio, restos deficitio en nia afero, precipe
pro la prezo de la afrankoj. Car ni NE
VOLAS plialtigi la abonprezon, ni petas
monan helpon de la K-do, kiuj povas tion
fari, kaj kiuj aprobas nian klerigan aga-
don. Jen por la financa aspekto.

kaj fine arĥivoj
kaj senpagaj sen-
doj (devigaj kaj
al K-do el So-
vetio kaj Polio, kiuj petis pri
"La Liberpensulo"):30
SUME:.....150

Estas alia afero!! Eble ne ĉiuj legantoj de "La Liberpensulo" scias pri la samce-
lana bulteno eldonata de K-do WEICHMANN en Germanio, titolita "Nia Libera Opinio". Ni deko-
mence provas unuigi la du Bultenojn. Kiel unua paŝo, konsente kun Kdo Weichmann, tuj de nun
ni ne plu mencias nia S.A.T.-anecon en la titolo de La Liberpensulo, kiu aperos kiel PAROL-
ILO DE ĈIUJ LIBERPENSULAJ ESPERANTISTOJ. Ni nepre trovu taŭgan komunan bazon, por ke la Li-
berpensulaj esperantistoj havu NUR UNU Bultenon, kiu estos tiel tiom pli bela kaj potenca,
por nia kleriga laboro. Faru sugestojn por tion efektiviĝi.

Andreo GAY.

.....*****.....

LA FINIĜO DE A.N.S. Jen parto de la letero, kiun ni ricevis de nia Kdo IRWIN,
nin sciigante pri la morto de ANS. Ni bedaŭras tiom, kiom Kdo Irwin, la malsukceson de lia
laŭda entrepreno! Espereble tia servo iam reaktiviĝos, kiam la Esperantistoj unupart, la na-
cioigvidantoj aliparte, komprenos ke ni devas uzi ĉiujn rimedojn por propagandi nian idealon.
".....Kvankam la esperantistaj ateistoj bonvenigis la ANS. projekton, la naciiling-
vaj gazetoj, krom unu gazeto, komplete ignoris niajn penojn."..... "Der Freidenker en Germa-
nio eldonis nenion, kaj eĉ favoris la naciajn lingvojn, anstataŭ Esperanton por la interŝan-
ĝo de novaĵ artikoloj, per deklaro de sia reprezentanto ce la Mondunuigo de Liberpensuloj."

..... "Miajn dankojn al ôiuj raportantoj pro ilia kunlaboro.

"Ni subtenu al la "ESPERANTO AMIKARO DE LIBERPENSULOJ" kaj al "LA LIBERPENSULO".

C. Thomas Irwin.

Simpla Demando. -Kial Dio sufergas la infanetojn kaj la bestojn?

ORIGINALAJ POEMOJ

SVEDIO LAUDINDA !

Mi jenon vidis en svedio:
La pastroj de la sveda Dio
Semajne devas en kontoro
Okupi sin pri ŝtatlaboro,
ĉar tie la popol-publiko
Asertas, ke dimanĉ-prediko
De pastro aŭ de diakono
Ja ne sufiĉas por la mono
Ŝalajra, kiun en monato
Ciel-agentojn pagas ŝtato.
Kaj krome, diras sama kredo,
Ĉi tio estas bonrimedo
Por teni for de l'politiko
La pastrojn per labor' praktiko
Ĉe ni en klera Germanio
Favoras pastrojn milda Dio !

PETRO-PATRO kaj PETRO-FILO !

Petro-patro estis pioniro
Tre fervora en la klasbatal'.
Venki volis la proleta viro
La sinjorojn de l'mondkapital'.
Li malsatis, por ke lia filo
Ne sklaviĝu en minej', fabrik',
Sed li povu studi por utilo
De l'proletoj kontraŭ mistifik'.
Petro-filo studis kaj sukcesis,
Baldaŭ li fariĝis profesor'.
Kaj tre baldaŭ ekforĝesis
La proletan patron la Sinjor'.
Klasbatalon ege li malŝatas,
Ĝin kontraŭas laŭ satul-logik'.
La maljunan patron ekspluatas
Plue la malnova malamik'.

de J. BURGER.

=====

)(
O A L V O K O al ĉiuj
)(franclingvaj K-doj :
O Ni guas specialan
)(rabaton ĉe la eldonejo
O "L'IDEE LIBRE", HERBLAY.
)(Ni petas vin mendi pere
O de ni ĉiujn viajn liber-
)(pensulajn librojn, kiuj
O ekzistas ĉe la katalo-
)(go de tiu eldonejo.
O Tio malŝarĝos iom
)(al la K-do Lorulot, kaj
O tio samtempe nin hel-
)(pos mone.
O Ni antaŭe dankas.
)(
O
)(
O
)(
O
=====

-)(



N I R I D U I O M. -Iam iu pastro konsigis sian preĝejan pedelon.

Post la laŭvica elnombrado de la ordinaraĵ pekoj, li iom atendas, kaj ĉar lia konfesanto ĉiam silentas, li demandas: -Nu, preĝeja pedelo, ĉu ci nenion forgesas ?

I N T E R N I.

CHAVENON (Francio) Ni dankas por la sendita kopio. Ni certe uzos ĝin.

DORMONT (Usono) Ni kvitancas viajn du dolarojn, kaj bone notis ne plu sendi tiom kvante nian bultenon. Bedaŭrinde!

WEICHMANN (Germanio) Ni kvitancas viajn
pagojn da 838 kaj 300 Fr. frankoj. Ni esperas
ke ni sukcesos fine kunfandi niajn du bulte-
nojn.

DENKOWSKI (Polio) kaj POPOFF (Sovetio).

Ni ricevis viajn poŝtkartojn. Ne eblas pagi la abonon pere de SAT. Ni sedos al vi nian bultenon; vi pagos kiam eblos, aŭ per

Bruno SEIGERT-Esperanto Informejo FÜRTH i. BAY Erlanger . . . Str.31 (Germanio) Tiu K-do petas, ke oni sendu al li, el ĉiuj landoj kaj en ĉiuj lingvoj, presaĵojn pri kremacio.

AL ĈIUJ: Sendu kopiojn, anekdotojn, filozofiajn artikolojn. Ni antaŭe dankas.

MENSOGO!! Iuj klerikuloj asertas iafoje, kun nekonsternebla aplombo, ke la kristanismo forigis la sklavecon! -Tio estas mensogo! Estas facile tion pruvi!

Estas dum februaro 1794, ke la sklaveco estis forigita !!

(((((*)))

MI, tutkore tuje balotas "Jes" por la "kununuigo de niaj du revuetoj. Oni devus trovelekti komunan ĉeftitolon. Kaj, la nunaj fariĝi subtitoloj: Germana, Franca, kaj espereble sekve alvenos aliaj. Nome: Svisa, Usona, kc.. Presitaj en iliaj respektivaj landoj, tiuj partoj estus senditaj kaj kunligitaj en unu (elektita) eble Svisio) en koverto komuntitolita. (Se tio estas povebla malgraŭ la landlimoj! Kc.) BARITEAUD en GRASSE (Francio) Direktoro de franca revueto NEOS-Langages & Graphies" (Devizo: Autokopiado por ĉiuj je la profito de raciaj ideologioj.

(Vidu la komencon de tiu traduko sur la n° 3a.)

Estus vane do, karaj legantoj, se vi maltrankviligus vian cerbon: Vi komprenos nenion pri tio, neniam !

La pastro Mikaelo spertas la bezonon, fari klarigan rimarkon: "Sume, tio min ne miras, li skribas iom poste. Pli niaj misteroj estas nekompreneblaj, pli ili estas indaj de la Dio, kiun al mi rivelas mia racio, kaj do, pli ili estas kredindaj. Ĉu iu ~~xxx~~ vereco, kiun mi komprenus, entenus la senlimon ?" Estas en tiu senco, ke estas vere diri, kun Tertulien (Tertullien): "Malpli mi komprenas, pli facile mi kredas, kiam temas pri Dio !" (I)

INTELEKTA SCIVOLO KAJ KREDO.-

S-ro Alberto Delakur (Delacour) skribis antaŭnelonge: "Por neniigi la religian senton, estus necese du okazoj, kiuj estas same neeblaj: Ĉu amputi la homan naturon de tiu nemorta scivolo, kiu faras lian turmenton kaj lian gloron; ĉu elpruvi la neekzistadon de Dio, entrepreno absolute sensenca, ĉar ĉiu nea elpruvo estas neebla al la homa racio. Do, la serena nereligio estos ĉiam escepta, kaj ofte sendaŭra stato. T.K.N.E." (Tio, kion necesis elpruvi.-Noto de la trad.)

Al mi tute ne plaĉas tiun T.K.N.E.

Ĝi estas plena je malhumila memfido, kiu vere plaĉas.

T.K.N.E. ! Estas decidite ! Estas antaŭkalkulite !

T.K.N.E. ! Vi silentu ! Ne protestu, aŭ mi vin enkarcerigas !

Mi humile petas al S-ro Delakur, ke al mi li pardonu, sed mi ne estas konvinkita.

Mi opinias ke tiu, kiu neas Dion, tute ne estas devigata AMPUTI LA HOMAN NATURON DE TIU NEMORTA SCIVOLO, KIU FARAS ĜIAN TURMENTON KAJ ĜIAN GLORON...

La ateismo neniun amputas.

Tio, kio stumpigas la homan komprenpovon, tio estas la blinda kredo, la aŭtoritato - tio ne estas, tio ne povas esti la Libera Penso.

Ĉu S-ro Delakur vere kredas, ke la kredanto pli scivolas la veron, pli avidas la lumon, pli soifas scii, ol la nekredanto, ol la ateisto ?

Estas tute male, mia bona sinjoro !

La kredanto ne serĉas; li neniam bezonis serĉi, ĉar li trovis la veron tute farita (mi estis skribonta tute maĉita), en lia kateĥismo.

Kiun scivolemo povus senti obeema civitano, irante en la vivo kun okulŝirmiloj solide fiksitaj ambaŭflanke de la vizaĝo - portante la Revelacion sub la brako !

Oni al li instruis... silenti, ne fari demandojn.

La scivolo, tio estas malsana kaj danga aĵo, S-ro Delakur ! Tio certe devenas de la diablo ...

Ĉiaokaze, tio estas frukto de la homa malhumileco, kiu volas ĉion scii, kaj ĉion kompreni, anstataŭ kurbigi la frunton humile, kaj senbrue viveti en la nescio.

Ĉu Adamo ne estis frapita (kaj kiel!) ĉar li gustumis la frukton de la arbo pri Bona kaj Malbona ~~Scien~~ Scienco ?

Li do estis instigata de la Scivolo - kaj de Evo, ankoraŭ pli scivolema, ol li.

La intelekta scivolo, la sopiro al la granda Kialo de la vivo kaj de la mondo, ne estas la monopollo de la religia spirito. Estas eĉ la malo, kiu estas la vero.

Jen jam unu punkto, pri kiu la T.K.N.E. al mi aspektas iom...trorapida.

(I) Apologiaj priparoladoj. IO6.- Estas la famekonata CREDO QUIA ABSURDUM : MI KREDAS ĜIN, ĈAR ĜI ESTAS ABSURDA !!

"PRUVI, KE DIO NE EKZISTAS".-

La teksto de S-ro Delakur (Alberto) entenas alian aserton, ankoraŭ pli ĝojiga.

ESTAS ABSOLUTE SENSENCA, li diras, voli elpruvi la neekzistadon de Dio. S-ro Delakur ne elpensis tiun "ekzamenan kaptilon".

Kiom da kontraŭparolantoj, en publikaj kunvenoj, ĝin al mi elparolis, triumfe :

"NI NE POVAS PRUVI, KE DIO EKZISTAS, KONSENTITE. SED VI NE POVAS PLI PRUVI, KE LI NE EKZISTAS !!!"

Mi kutimas respondi al tiuj kontraŭparolantoj :

Via konfeso estas al mi tre agrabla. Vi rekonas esti malkapablaj, pruvi vian Dion.

Tiam, kial vi parolas pri li ? Kial vi amegas lin ? Kial vi preĝas lin ?

Vi faras el li la pivoton de via vivo, la superegan celon de via tuta agemo - kaj vi konfesas, ke vi ne povas pruvi al mi la ekzistadon de Dio, kaj vi volus min vidi kunlabori al la kulto, kiun vi al li produktas...

Tio ne estas serioza.

Mi bone komprenas, ke vi provas al mi vigle rebati :

"Pravu al ni, ke Dio ne ekzistas !"

Pardonu ! Tiu, kiu asertas la ekziston de io, tiu devas elpruvi tiun ekziston.

Se li ne kapablas tion fari, komprenite. Ĉiu alia elpruvo estas superflua. Vi mem vin kondamnis.

Estas cetere iu elpruvo, kiun mi povas facile fari. Tio estas, ke ĈIO OKAZAS en la universo tiel, kiel se neniu Diaĵo ekzistus. Ni tion vidos pli poste.

Ne povante pruvi ilian Dion, la kredantoj argumentas por elpruvi, ke oni ne povas malbezoni kredi al Li !

Estas ~~ti~~ tiuj argumentoj, kiujn mi diligentos kontraŭargumenti, en la nuna verko.

LA SOPIRO AL DIO .-

Oni diris iun vesperon en la ĉeesto de Renan : "Ĉu Dio ekzistas ? - Ne ankoraŭ", li respondis.

"La homo estas sopiro al Dio", diris Sanktulo Aŭgusto.

La frazo estas bela, sed ĝi estas neekzakaa.

La homo estas sopiro al Beleco, al Boneco, al la Lumo.

Tio estas al Feliĉeco, al la disvolvo kiel eble plej kompleta.

Tio estas al la Vivo...

Ŝati la ~~vivon~~ Vivon, la Vivon ĉiam pli nobla, pli utila, pli konscia, la Universan Vivon; estas la nura Idealo inda je tiu nomo.

Ĉu oni riskos kvazaŭdiri, ke tiu Idealo estas malsupera al tiu de la religio ? Ke ĝi estas malkapabla plibonigi la homon ?

Sed, funde de ĉiu religio, ĉu ni ne trovas analogian sopiron, pli malpreciza kaj pli malklara, aŭ pli malproksima, sed ekvivalenta ?

La nura malsameco - kaj ĝi estas grava - tio estas, ke la religioj lokumas la efektivigon de ilia Idealo en alia mondo, ekstere de la homaro...

La plej nobla el la homaj sentoj estas tiel malĝustigita, detenita de ĝia normala kaj harmonia celo.

El sopiro al plibonigo en la ĝojo... oni faris konsternegitan submeton, malpligrandigon de la Estulo, moktrompon !

Daŭrigota.

=====
L'Imprimeur-gérant: GAY André. Imprimerie spéciale de "LA LIBERPENSULO"
rue Lambert Dumesnil -HERBLAY- (S. & O.) FRANCE.